



**KEMENTERIAN SUMBER MANUSIA  
SIARAN MEDIA**

**BOSH 2023 MENAWARKAN TEKNOLOGI TERKINI BAGI KKP**

Kota Kinabalu, 4 Mac 2023 - Majlis Perasmian Pra Pelancaran Persidangan dan Pameran Keselamatan dan Kesihatan Pekerjaan Borneo Kali ke-8 (BOSH 2023) telah dirasmikan oleh YB Tuan Mustapha Sakmud, Timbalan Menteri, Kementerian Sumber Manusia di Sabah International Convention Centre (SICC), Kota Kinabalu.

BOSH adalah platform tahunan yang dianjurkan oleh NIOSH sebagai himpunan pemegang taruh seperti wakil industri, pengamal KKP, majikan, wakil pekerja termasuk pihak kerajaan untuk berkongsi maklumat, pengalaman dan teknologi terkini di dalam usaha mengurangkan kemalangan di tempat kerja. Selain peserta dari Sabah dan Sarawak, BOSH juga dibuka kepada peserta dari negara Indonesia dan Brunei.

BOSH 2023 akan diadakan pada 20 dan 21 Jun 2023 di Sabah International Convention Centre (SICC), Kota Kinabalu dengan bertemakan "Transforming Borneo For A Resilient Tomorrow".

BOSH 2023 merupakan forum yang terbaik kepada para majikan dan pekerja dari Borneo untuk mengetahui maklumat serta perkembangan terkini dalam bidang Keselamatan dan Kesihatan Pekerjaan (KKP). Ia juga dapat menghasilkan cetusan idea dan pendekatan yang berguna dalam membantu Kerajaan, majikan dan pekerja untuk mewujudkan "persekitaran kerja yang selamat dan sihat" seperti mana yang digariskan oleh International Labour Organisation (ILO).

**KEMENTERIAN SUMBER MANUSIA  
4 MAC 2023  
KOTA KINABALU**